

Z A K O N

O PRUŽANJU PRAVNE POMOĆI

I – OPĆE ODREDBE

Članak 1.

(Predmet)

Ovim zakonom regulira se način i uvjeti za ostvarivanje prava na pravnu pomoć od strane Županijskog zavoda za pružanje pravne pomoći (u daljem tekstu: Zavod), određuju se prava, dužnosti i ovlaštenja pravnih zastupnika i ostalih zaposlenika u Zavodu, uređuje se rukovođenje i unutarnja organizacija Zavoda, kao i druga pitanja od značaja za rad Zavoda.

Članak 2.

(Status, organizacija i način funkcioniranja Zavoda)

(1) Zavod je samostalna upravna organizacija Županije Posavske (u daljem tekstu: Županija), koja se osniva i čija se nadležnost utvrđuje Zakonom o organizaciji i djelokrugu tijela uprave i upravnih organizacija Županije Posavske («Narodne novine Županije Posavske», broj: 4/08 i 2/10).

(2) Organizacija i način funkcioniranja Zavoda regulirani su odredbama Zakona o organizaciji organa uprave u Federaciji Bosne i Hercegovine („Službene novine Federaciji BiH“, broj 35/05) i odredbama ovog zakona.

Članak 3.

(Opće nadležnosti Zavoda)

(1) Zavod osigurava pružanje pravne pomoći građanima slabog imovnog stanja, na način i pod uvjetima utvrđenim ovim zakonom.

(2) U okviru svojih nadležnosti Zavod omogućava građanima slabog imovnog stanja, ostvarivanje prava garantiranih ustavom, zakonima, kao i drugim propisima.

(3) Pravna pomoć je oblik ostvarivanja prava građana na jednak pristup pravdi i na pravično suđenje.

Članak 4.

(Način rada Zavoda)

(1) Zavod je samostalan u izvršavanju poslova iz svoje nadležnosti.

(2) Rad Zavoda se zasniva na načelima zakonitosti, transparentnosti, javnosti, odgovornosti, efikasnosti, ekonomičnosti, profesionalnoj nepristrasnosti i političkoj nezavisnosti.

(3) Zavod je dužan najmanje jednom godišnje podnijeti izvještaj o svom radu Vladi i Skupštini Županije Posavske.

Članak 5.

(Poslovanje Zavoda)

Prilikom prijema, evidentiranja i raspoređivanja predmeta, kao i njihovog arhiviranja, postupa se u skladu sa propisima o kancelarijskom i arhivskom poslovanju organa državne službe.

II-NADLEŽNOSTI I OVLAŠĆENJA

Članak 6.

(Nadležnost Zavoda)

(1) Zavod osigurava pružanje pravnih savjeta, sastavljanje različitih podnesaka, odbrane i zastupanje građana slabog imovnog stanja i poduzima sve radnje pred Kantonalnim i Općinskim sudom, Kantonalnim tužiteljstvom, kao i drugim tijelima Županije.

(2) Direktor Zavoda i pomoćnik direktora Zavoda, kao pravni zastupnici, mogu poduzimati radnje i pred drugim pravosudnim organima van područja Županije, uz prethodnu suglasnost direktora Zavoda.

Članak 7.

(Pravni zastupnici)

(1) Poslove pružanja pravne pomoći iz nadležnosti Zavoda vrše direktor Zavoda (u daljem tekstu: direktor) i pomoćnik direktora Zavoda (u daljem tekstu: pomoćnik direktora), kao pravni zastupnici.

(2) Pomoćnik direktora je ovlašten za obavljanje svih poslova iz nadležnosti Zavoda, osim u slučaju kada je zakonom predviđeno da te poslove obavlja direktor.

Članak 8.

(Zastupanje)

(1) Direktor i pomoćnik direktora, u svojstvu pravnih zastupnika, poduzimaju sve radnje i učestvuju u svim fazama postupka do okončanja postupka, (u daljnjem tekstu: pravni zastupnik).

(2) Direktor i pomoćnik direktora ne mogu zastupati više od jedne stranke u jednom predmetu.

(3) Direktor i pomoćnik direktora zastupaju građane slabog imovnog stanja u krivičnom, parničnom, prekršajnom, upravnom postupku, kao i u postupcima propisanim posebnim zakonima.

Članak 9.

(Oblici ostvarivanja pravne pomoći)

(1) Pravna pomoć u okvirima nadležnosti Zavoda ostvaruje se u vidu:

- davanja usmenih pravnih savjeta,
- sastavljanja različitih podnesaka (tužbe, žalbe, molbe, zahtjevi, prigovori, predstavke i dr.),
- obrane u krivičnom postupku i zastupanja stranaka – fizičkih osoba u postupcima pred organima iz članka 5. ovog zakona,
- poduzimanje drugih radnji u cilju zaštite prava i pravnih interesa korisnika pravne zaštite.

(2) Pravna pomoć iz stavka (1) ovog članka pruža se bez naknade, ako ovim zakonom nije drugačije propisano.

(3) Pravo na pravnu pomoć iz stavka (1) ovog članka, ne podrazumijeva pravo na oslobođanje od plaćanja sudskih i administrativnih pristojbi.

Članak 10.

(Korisnik pravne pomoći)

Korisnik pravne pomoći je građanin kome se pravna pomoć pruža po kriterijima o uvjetima i načinu ostvarivanja pravne pomoći propisanim ovim zakonom.

Članak 11.

(Zabrana diskriminacije)

Direktor i pomoćnik direktora, u vršenju svojih dužnosti, moraju postupati bez predrasuda u pogledu rase, boje kože, pola, vjeroispovjesti, nacionalne pripadnosti,

hendikepiranosti, starosne dobi, bračnog statusa, trudnoće, roditeljstva, seksualnog opredjeljenja ili društvenog i ekonomskog statusa.

Članak 12.

(Obveza zastupanja po međunarodnim konvencijama)

Pravna pomoć se pruža građanima po međunarodnim konvencijama koje obvezuju Bosnu i Hercegovinu.

III - UVJETI, KRITERIJI I NAČIN OSTVARIVANJA PRAVNE POMOĆI

Članak 13.

(Uvjeti za ostvarivanje pravne pomoći)

(1) Pravo na pravnu pomoć ima svaki građanin slabog imovnog stanja sa prebivalištem na području Županije, koji nema dovoljno imovine ili drugih sredstava da plati odvjetnika i troškove zastupanja pod uvjetom da ispunjava kriterije za zastupanje utvrđene ovim zakonom.

(2) Pravo na obranu i zastupanje u krivičnom postupku pred organima iz članka 5. stavak (1) ovog zakona od strane pravnih zastupnika Zavoda imaju i građani koji nemaju prebivalište na području Županije, pod uvjetom iz stavka (1) ovog članka.

Članak 14.

(Kriteriji za ostvarivanje prava na pravnu pomoć)

(1) Građanin ima pravo na pravnu pomoć ako je slabog imovnog stanja.

(2) Pravo na pravnu pomoć, osim lica iz stavka (1) ovog članka, može ostvariti i građanin bez imovine u smislu odredbi članka 15. stavak (1) ovog Zakona, koji ispunjava bilo koji od sljedećih kriterija:

- a) lice koje po osnovu socijalne zaštite ostvaruje pravo na stalnu novčanu pomoć,
- b) nezaposleno lice,
- c) umirovljenik koji prima najnižu mirovinu ili srazmjerno inozemnoj mirovini, koja zajedno sa samostalnom mirovinom ne prelazi iznos najniže mirovine,
- d) dijete bez roditeljskog staranja.

Članak 15.

(Tko se smatra građaninom slabog imovnog stanja)

(1) Građaninom slabog imovnog stanja se, po odredbama ovog Zakona, smatra lice čija ukupna redovna primanja i prihodi po članu domaćinstva ne prelaze iznos od 25 % prosječne isplaćene mjesečne neto plaće zaposlenih u Federaciji Bosne i Hercegovine prema posljednjim objavljenim podacima Federalnog zavoda za statistiku, a nema imovinu koja može biti predmet izvršenja shodno odredbama Zakona o izvršnom postupku («Službene novine Federacije BiH», broj: 32/03, 52/03, 33/06 i 39/06).

(2) Ne smatra se građaninom slabog imovnog stanja lice koje živi u zajedničkom domaćinstvu sa punoljetnim članom svoje porodice, koji je takvog imovnog stanja da je u mogućnosti da snosi njegove troškove odvjetničkih usluga.

(3) Kod utvrđivanja slabog imovnog stanja građanina iz stavka (1) ovog članka neće se uzimati u obzir prihod i imovina članova porodice korisnika pravne pomoći koji sa njim žive u zajedničkom domaćinstvu, a protustranka su u postupku.

Članak 16.

(Zahtjev za pružanje pravne pomoći)

(1) Zahtjev za pružanje pravne pomoći, uz priložene dokaze o ispunjavanju kriterija iz članka 14. ovog Zakona, podnosi se direktoru.

(2) O zahtjevu za pružanje pravne pomoći odlučuje direktor rješenjem, shodno odredbama Zakona o upravnom postupku («Službene novine FBiH», broj: 2/98 i 48/99).

(3) Rješenja iz stavka (2) ovog članka su konačna i protiv njih nije dopuštena žalba, ali se može pokrenuti upravni spor podnošenjem tužbe nadležnom sudu.

Članak 17.

(Odbijanje pružanja pravne pomoći)

(1) Pravna pomoć podnosiocu zahtjeva neće se pružiti ili će biti uskraćena:

- ako nisu ispunjeni kriteriji iz članka 14. ovog Zakona,
- ako se radi o neopravdanom vođenju postupka,
- ako se radi o zloupotrebi prava na pravnu pomoć,
- ako postoji sukob interesa.

(2) Pravna pomoć će se odbiti ili uskratiti licu koje se ponaša izrazito nasilnički, nepristojno i uvredljivo prema zaposlenicima Zavoda.

(3) U slučaju iz stavka (1) i (2) ovog članka, direktor će rješenjem odbiti ili uskratiti dalje pružanje pravne pomoći.

(4) Rješenja iz stavka (3) ovog članka su konačna i protiv njih nije dopuštena žalba, ali se može pokrenuti upravni spor podnošenjem tužbe nadležnom sudu.

Članak 18.

(Postavljenje branitelja)

Pravni zastupnik može biti postavljen za branitelja licu slabog imovnog stanja lišenom slobode, odnosno osumnjičenom ili optuženom, na način i po postupku utvrđenom Zakonom o krivičnom postupku Federacije Bosne i Hercegovine.

Članak 19.

(Plaćanje troškova)

(1) Poslovi pružanja pravne pomoći od strane pravnih zastupnika se obavljaju besplatno.

(2) Obveza plaćanja pravne pomoći, kao i obveza plaćanja troškova u vezi sa postupcima u kojima je pružana pravna pomoć (vještačenja i drugi stvarni troškovi), postoji kada se tokom postupka ili po njegovom završetku, po službenoj dužnosti ili po prijavi bilo kog lica, utvrdi da je korisnik pravne pomoći imao ili ima dovoljno sredstava za plaćanje zastupanja i da nije ispunjavao kriterije za pružanje besplatne pravne pomoći.

(3) U slučaju iz stavka (2) ovog članka, direktor će donijeti rješenje o poništavanju ili izmjeni rješenja o pružanju pravne pomoći u slučaju da je postupak okončan, odnosno rješenje o obustavljanju pružanja pravne pomoći u slučaju da je postupak u toku.

(4) Rješenjem iz stavka (3) ovog članka ujedno će biti odlučeno o obvezi plaćanja naknade za sve radnje poduzete tokom pružanja pravne pomoći i zastupanja tog korisnika, kao i obvezi plaćanja drugih troškova nastalih u vezi s tim, osim u slučaju kad sud o tome odlučuje.

(5) Naknada i troškovi za obavljene radnje i zastupanje obračunavaju se prema odvjetničkoj tarifi, dok se ostali troškovi utvrđuju na osnovu odgovarajuće dokumentacije, a prihod su Proračuna Županije.

Članak 20.

(Plaćanje troškova branitelja)

(1) Kada se sazna za činjenice i okolnosti na osnovu kojih se može utvrditi da neko lice nije slabog imovnog stanja po kriterijima utvrđenim ovim Zakonom, a kome je pravni

zastupnik postavljen kao branitelj u smislu odredbe članka 18. ovog Zakona, postavljeni branitelj će bez odlaganja zatražiti da bude razrješen te dužnosti.

(2) U zahtjevu za razrješenje će se ujedno zatražiti da sud obaveže lice iz stavka (1) ovog članka, da plati Zavodu naknadu i troškove za obavljene radnje i zastupanje, obračunate shodno članku 19. stavak (5) ovog Zakona.

IV – RUKOVOĐENJE I UNUTARNJA ORGANIZACIJA

Članak 21.

(Rukovođenje)

(1) Radom Zavoda rukovodi direktor koji se postavlja na način i po postupku utvrđenom zakonom za državne službenike Županijskih organa državne službe.

(2) Za direktora može biti postavljen diplomirani pravnik, koji pored općih i posebnih uvjeta utvrđenih zakonom i pravilnikom o unutarnjoj organizaciji, ima položen pravosudni ispit i pet godina radnog iskustva u radu na pravnim poslovima.

(3) Direktor je naredbodavac za raspolaganje proračunskim sredstvima određenim za finansiranje rada Zavoda.

(4) Direktor za svoj rad odgovara Vladi Županije.

Članak 22.

(Vršenje dužnosti direktora)

(1) U slučaju da direktoru prestane radni odnos ili da nije u mogućnosti obavljati dužnost, Vlada Županije može postaviti vršioca dužnosti direktora, ali najduže na period od šest mjeseci.

(2) U slučaju privremene odsutnosti direktora, vršilac dužnosti je pomoćnik direktora, koga on pismenim aktom odredi.

Članak 23.

(Unutarnja organizacija)

Unutarnja organizacija Zavoda utvrđuje se pravilnikom, koji donosi direktor u roku od 30 dana od dana postavljenja uz prethodno pribavljenu suglasnost Vlade Županije.

Članak 24.

(Pomoćnik direktora)

(1) Pomoćnik direktora se postavlja na način i po postupku utvrđenom zakonom za državne službenike Županijskih organa državne službe

(2) Pravilnikom iz članka 23. ovog zakona se, pored ostalog, utvrđuje broj pomoćnika direktora i određuju uvjeti za njihovo postavljenje, s tim da za pomoćnika direktora može biti postavljen diplomirani pravnik, koji pored općih i posebnih uvjeta utvrđenih zakonom i pravilnikom, ima položen pravosudni ispit i tri godine radnog iskustva u radu na pravnim poslovima.

Članak 25.

(Državni službenici i namještenici)

Ostale poslove, osim poslova koje vrše direktor i pomoćnik direktora, obavljaju državni službenici i namještenici, što se utvrđuje pravilnikom iz članka 23. ovog zakona.

V – PRAVA I DUŽNOSTI PRAVNIH ZASTUPNIKA I OSTALIH ZAPOSLENIKA U ZAVODU

Članak 26.

(Prava zaposlenika)

(1) Pravni zastupnici i ostali zaposlenici u Zavodu, imaju pravo na plaću i druga lična primanja, kao i ostala prava iz radnog odnosa, u skladu sa propisima kojima su ta prava utvrđena za rukovodeće državne službenike, odnosno državne službenike i namještenike odgovarajućeg ranga u Županijskim organima državne službe.

Članak 27.

(Prava i dužnosti pravnih zastupnika)

Pravni zastupnici su nezavisni i samostalni u vršenju svojih poslova i imaju pravo i dužnost da u okviru dobivenog ovlaštenja poduzimaju sve zakonite pravne radnje koje su po njihovoj ocjeni u interesu korisnika pravne pomoći.

Članak 28.

(Obveza čuvanja službene tajne)

(1) Pravni zastupnici su dužni da pružaju pravnu pomoć savjesno i stručno u skladu s ustavom, zakonom i drugim propisima.

(2) Pravni zastupnici su dužni da čuvaju kao službenu tajnu sve što su saznali ili im je stranka povjerila, izuzev ako su u svojstvu branitelja oslobođeni ove obveze na osnovu izričitog ili prećutnog odobrenja stranke, kao i u slučajevima kada su branitelji, a posumnjaju da predstoji izvršenje težeg krivičnog djela ili kada se pokrene parnica radi namirenja troškova i izdataka koje je stranka prouzrokovala Zavodu lažno prikazujući svoje imovno stanje, a u cilju obezbjeđenja besplatnog zastupanja.

(3) Službenu tajnu iz stavka 2. ovog članka dužni su čuvati i drugi zaposlenici koji rade ili su radili u Zavodu.

Članak 29.

(Razlozi za odbijanje zastupanja)

(1) Pravni zastupnici će odbiti odbranu i zastupanje u krivičnim stvarima:

- ako su lično oštećeni, odnosno ako su bračni ili vanbračni drugovi oštećenog ili tužitelja, njihovi srodnici po krvi u pravoj liniji, u pobočnoj liniji do četvrtog stepena ili po tazbini do drugog stepena,

- ako su pozvani kao svjedoci u istom predmetu,

- ako su postupali u istom predmetu kao nosioci sudske i/ili tužiteljske funkcije,

- u drugim slučajevima predviđenim posebnim zakonom.

(2) Pravni zastupnici će odbiti zastupanje u parničnom postupku:

- ako su pružali pravnu pomoć suprotnoj stranci u istom predmetu ili po bilo kom pitanju vezanom za taj predmet;

- ako je suprotnoj stranci u istom predmetu pravnu pomoć pružao drugi pravni zastupnik Zavoda;

- ako su postupali u istom predmetu u vršenju sudske i/ili tužiteljske funkcije ili kao ovlaštena službena osoba bilo kog organa;

- ako oni ili drugi zaposlenici Zavoda imaju lični interes koji je, ili može biti i u sukobu s interesima zastupane stranke i

- u drugim slučajevima predviđenim posebnim zakonom.

Članak 30.

(Otkazivanje punomoći)

(1) Odmah po saznanju za postojanje razloga i okolnosti iz članka 29. ovog Zakona, pravni zastupnici su dužni otkazati punomoć stranci.

(2) Po otkazivanju punomoći pravni zastupnici su dužni u periodu od 30 dana nastaviti pružati pravnu pomoć, ako je to neophodno da se od stranke otkloni kakva šteta, osim ako stranka nije imenovala drugog zastupnika ili se preduzimanju tih radnji izričito protivi.

(3) Pravni zastupnici nisu dužni postupati u skladu sa stavkom (2) ovog članka ako stranka otkáže punomoć, ali su dužni u momentu otkazivanja punomoći u pismenoj formi obavijestiti stranku o svim relevantnim rokovima kao i zakazanim terminima u konkretnom predmetu.

Članak 31.

(Dužnosti pravnih zastupnika kao branitelja)

(1) Pravni zastupnici Zavoda kao branitelji tokom krivičnog postupka moraju, zastupajući lice lišeno slobode, odnosno osumnjičenog ili optuženog, preduzimati sve neophodne radnje u cilju utvrđivanja činjenica i prikupljanja dokaza koji idu u korist lica koje brane, kao i zaštite njihovih prava.

(2) Prava i dužnosti pravnih zastupnika kao branitelja ne prestaju u slučaju opoziva, sve dok ih sudija odnosno vijeće ne razriješe te dužnosti.

Članak 32.

(Obveza informiranja)

Pravni zastupnici su dužni da informiraju stranku o poduzetim radnjama u postupku i o svim drugim činjenicama relevantnim za tok i ishod konkretnog postupka.

Članak 33.

(Obaveza pravnih zastupnika)

Pravni zastupnici ne smiju:

- dozvoliti da porodični, društveni, politički i/ili drugi odnosi utiču na vršenje njihovih službenih dužnosti;
- upotrijebiti ili se koristiti ugledom Zavoda da ostvare svoje privatne interese ili interese drugih;
- postupati ili dopustiti drugima da postupaju na način da se stiče utisak da je bilo ko u posebnom položaju i da može vršiti utjecaj na pravne zastupnike ili na ishod postupka.

Članak 34.

(Zabrana obavljanja drugih poslova)

Pravni zastupnici ne smiju obavljati dužnost, djelatnost ili biti na položaju koji dovodi do sukoba interesa sa njihovim dužnostima, a naročito:

- ne smiju obavljati dodatnu djelatnost za koju se plaća naknada, osim u slučaju kada je to posebno odobreno,
- ne smiju biti članovi upravnih i drugih odbora političkih stranaka i ne smiju slijediti upute političkih stranaka.

Članak 35.

(Dužnosti pravnih zastupnika)

(1) Pravni zastupnici su dužni razmotriti i postupati po svim predmetima koji su im dodijeljeni, osim u predmetima u vezi kojih se zahtijeva njihovo izuzeće.

(2) Pravni zastupnici su dužni da kontinuirano rade na usavršavanju i povećavanju nivoa svoje profesionalne stručnosti za obavljanje poslova pružanja pravne pomoći.

(3) Pravni zastupnici su dužni poduzimati radnje u vršenju obrane ili zastupanja na krajnje profesionalan, strpljiv i dostojanstven način, kako prema nosiocima sudske i tužiteljske funkcije, tako i prema ostalim službenim licima, strankama koje zastupaju i

protivnim strankama, svjedocima, odvjetnicima i drugim licima sa kojima službeno kontaktiraju.

Članak 36.

(Način postupanja pravnih zastupnika)

(1) Pravni zastupnici ne smiju pokrenuti, dozvoliti niti uzimati u obzir razgovor sa sudijom bez prisustva suprotne stranke u vezi sa postupkom koji je u tijeku, osim na zakonom dopušten način.

(2) Pravni zastupnici su obavezni da svoje poslove obavljaju brzo, efikasno i pravično, uz poštovanje prava svih uključenih strana da budu saslušane i da se njihovi sporovi riješe bez nepotrebnog odgađanja ili troškova.

Članak 37.

(Angažiranje drugih lica)

(1) Pravni zastupnici mogu u pojedinom postupku angažirati ili zatražiti angažiranje vještaka, sudskih tumača i drugih lica, kada je to neophodno za vršenje obrane ili zastupanja, samo na osnovu prethodnog odobrenja direktora, osim u slučaju kada to objektivno nije bilo moguće prethodno pribaviti.

(2) Direktor neće odobriti angažiranje lica iz stavka (1) ovog članka, ukoliko ocijeni da njihovo angažiranje nije neophodno za uspješnu obranu ili zastupanje stanke.

(3) Pravni zastupnici su dužni da predlažu ili angažiraju lica iz stavka (1) ovog članka sasvim nepristrasno, rukovodeći se isključivo njihovom stručnošću i iskustvom u obavljanju poslova za koje se angažiraju.

Članak 38.

(Obavijest o nedozvoljenom ponašanju)

(1) Ako neko dođe do saznanja da je pravni zastupnik ili drugi zaposlenik Zavoda postupio suprotno odredbama ovog zakona ili bilo kog drugog zakona, što ga čini nepodobnim za vršenje poslova u Zavodu, ima pravo i dužnost da o tome obavijesti direktora Zavoda.

(2) Pravni zastupnici koji posjeduju informaciju o mogućem kršenju ovog zakona od strane drugog pravnog zastupnika, dužni su o tome obavijestiti direktora, a ukoliko se ta informacija odnosi na direktora, onda su dužni o tome obavijestiti ministra pravosuđa i uprave Županije Posavske, koji preispituje osnovanost primljene informacije i o tome obavještava Vladu.

Članak 39.

(Odgovornost zaposlenika Zavoda)

Pravni zastupnici i ostali zaposlenici u Zavodu odgovorni su za svoj rad shodno odredbama zakona i drugih propisa kojima je to regulirano za rukovodeće državne službenike, državne službenike i namještenike organa državne službe.

VI – NADZOR NAD PRIMJENOM ZAKONA

Članak 40.

(Nadzor nad primjenom zakona)

(1) Nadzor nad provođenjem odredaba ovog zakona vrši Ministarstvo pravosuđa i uprave Županije Posavske.

(2) U cilju vršenja nadzora nad zakonitošću rada, Zavod je obvezan Ministarstvu iz stavka (1) ovog članka, dostavljati polugodišnji i godišnji izvještaj o radu.

VII – ZAVRŠNE ODREDBE

Članak 41.

(Stupanje na snagu zakona)

Ovaj Zakon stupa na snagu osmog dana od dana objavljivanja u „Narodnim novinama Županije Posavske«.

Bosna i Hercegovina
Federacija Bosne i Hercegovine
ŽUPANIJA POSAVSKA
Skupština
Broj: 01-02-50/10
Domaljevac, 06.05.2010. godine

Predsjednik Skupštine
Zvonko Mišković, v.r.

ZAKON O DOPUNI ZAKONA O PRUŽANJU PRAVNE POMOĆI

Članak 1.

U Zakonu o pružanju pravne pomoći („Narodne novine Županije Posavske“ broj 3/10), u članku 3. iza stavka (2) dodaje se novi stavak (3) koji glasi:

„Zavod je dužan pružati pravnu pomoć u smislu odredbi ovog Zakona, bez obzira na imovno stanje, ratnim vojnim invalidima, koji su status stekli do dana stupanja na snagu ovog Zakona, prema važećim propisima, u postupcima ostvarivanja odnosno zaštite stečenih prava, pred nadležnim tijelima uprave, odnosno sudovima na području Županije, Federacije Bosne i Hercegovine, odnosno Bosne i Hercegovine.“

Dosadašnji stavak (3) postaje stavak (4).

Članak 2.

Ovaj Zakon stupa na snagu narednog dana od dana objave u „Narodnim novinama Županije Posavske“.

Bosna i Hercegovina
Federacija Bosne i Hercegovine
Županija Posavska
Skupština
Broj 01-02-12/12
Domaljevac, 28.02.2012. godine

Predsjednik Skupštine
Mario Jurkić, prof.,v.r.

ZAKON o izmjenama i dopunama zakona o pružanju pravne pomoći

Članak 1

U Zakonu o pružanju pravne pomoći („Narodne novine Županije Posavske" broj: 3/10 i 1/12) u članku 3. stavak (3) dopunjuje se i glasi:

„(3) Zavod je dužan pružati pravnu pomoć u smislu odredbi ovog Zakona, bez obzira na imovno stanje, braniteljima koji su status stekli do dana stupanja na snagu ovog Zakona prema važećim propisima u postupcima zaštite prava prema propisima iz oblasti branitelj sko-invalidske zaštite i povoljnijeg umirovljenja a čije korištenje podliježe kontroli zakonitosti temeljem Zakona o provođenju kontrole zakonitosti korištenja prava iz oblasti braniteljsko-invalidske zaštite („Službene novine Federacije Bosne i Hercegovine“, broj: 82/09), pred nadležnim tijelima uprave, odnosno sudovima na području Županije, Federacije Bosne i Hercegovine, odnosno Bosne i Hercegovine.”

U članku 3. iza stavka (3) dodaje se novi stavak (4) koji glasi:

„(4) Zavod je dužan u smislu odredbi ovog Zakona, bez obzira na imovno stanje, pružati pravnu pomoć žrtvama nasilja u obitelji u zaštiti njihovog tjelesnog i duševnog integriteta, u vidu prijave počinjenog nasilja nadležnoj Policijskoj upravi, Centru za socijalnu skrb, Sudu i Tužiteljstvu te sastavljanjem pismenih podnesaka i zahtjeva za izricanjem zaštitnih mjera.”

Dosadašnji stavak (4) postaje stavak (5).

Članak 2

Ovaj Zakon stupa na snagu narednog dana od dana objavljivanja u „Narodnim novinama Županije Posavske”.

Bosna i Hercegovina
Federacija Bosne i Hercegovine
ŽUPANIJA POSAVSKA
Skupština
Broj: 01-02-15/13
Domaljevac, 05.03.2013. godine

Predsjednik
Mario Jurkić, prof., v.r.